



DAN ŽENA 2026

AZURNA OBALA

SAN REMO, CANNES, NICA, MONAKO & MONTE CARLO

05.03-08.03.2026

PROGRAM PUTOVANJA

1. DAN, 05.03.2026, (ČETVRTAK), SARAJEVO

Okupljanje putnika na autobuskoj stanici Sarajevo u 16:00h. Polazak autobusa u 16:15h. Vožnja preko Visokog, Kaknja, Zenice, Maglaja, Doboja... Noćna vožnja uz usputne pauze po potrebi grupe.

2. DAN, 06.03.2026, (PETAK), SAN REMO

Dolazak u San Remo u jutarnjim satima. Obilazak San Rema u pratnji stručnog vodiča. San Remo je grad u jugozapadnoj Italiji, na samoj obali Ligurskoga mora, te je glavni grad dijela Italije koji nosi simpatični naziv *Rivijera cvijeća*. S dobrim razlogom. Smješten uz morsku obalu, te podno Alpi, ovaj kutak Italije ima mikroklimu idealnu upravo za rast cvijeća. Tipične se farme cvijeća ovdje zovu „mazzerias“, u njima se koriste najmodernije tehnike sadnje i zalijevanja, te se cvijeće proizvodi kroz cijelu godinu, a njegova se kvaliteta može vidjeti ispred pozornice novogodišnjega koncerta u Beču ili na dodjeli Nobelove nagrade u Štokholmu, ali i na sajmu cvijeća u San Remu koji je najvažnija cvjećarska aktivnost na Mediteranu.

Ovdje svoje proizvode svake godine predstavi više od 600 kompanija zaduženih za veleprodaju i izvoz. No, svom cvijeću u čast, u San Remu se svake godine u januaru održava i tradicionalni festival cvijeća čija je glavna aktivnost festivalska povorka u kojoj prodefilira na desetke, pa čak i stotine vozila ukrašenih cvijećem u određenoj tematici koja je svake godine drugačija. Slobodno vrijeme. Odlazak u hotel i check in. Slobodno vrijeme. Noćenje.

3. DAN, 07.03.2026, (SUBOTA), KAN, NICA, FABRIKA PARFEMA, MONAKO, MONTE CARLO

Doručak. Slobodan dan u San Remu ili cjelodnevni fakultativni odlazak u Cannes, Nica, fabriku parfema Eze, Monako i Monte Carlo. Polazak prema Cannesu u 08:00h. Po dolasku u Cannes slijedi obilazak u pratnji stručnog vodiča. Cannes je grad prije svega poznat po filmskom festivalu koji se tamo održava, jednom on najcjenjenijih na svijetu, a dobiti Zlatnu palmu san je mnogih filmskih djelatnika. Slobodno vrijeme.

Polazak prema Nici u 12:45h. Obilazak Nice i slobodno vrijeme. Nica, smještena na prelijepoj Azurnoj obali, jedno je od najomiljenijih odredišta u Francuskoj. Grad privlači posjetioce svojom bogatom historijom, zadivljujućim pejzažima, kulturnim znamenitostima i jedinstvenim mediteranskim šarmom. Bilo da šetate njenom poznatom šetnicom uz more ili istražujete šarene ulice Starog grada, Nica nudi mnoštvo zanimljivih činjenica koje je čine posebnim mjestom za otkrivanje.

Polazak prema Ezeu u 16:30h, te posjeta fabrici parfema u Ezeu. Tvornica Fragonard, jedna od važnijih znamenitosti grada Grassea, ističe se po tome što je u porodičnom vlasništvu. Poznata tvornica 1926. godine dobila je ime po slavnom francuskom slikaru Jean-Honoreu Fragonardu čiji je osnivač bio Eugen Fush. Danas ovo carstvo vode tri sestre, a njihove glavne poslovnice nalaze se u Grasseu, Ezeu i Parizu. Širom Francuske možete pronaći njihove butike i kupiti željene parfeme. Pažljivim slušanjem možete naučiti nešto više o samoj historiji, procesima koji su važni za dobivanje jedinstvenih parfema, načine na koji se proizvode i saznati koje biljke, te iz

kojih dijelova svijeta se stavljaju u određene parfeme. Slobodno vrijeme, te prilika da se kupi neki od parfema iz čuvene fabrike.

Nakon toga slijedi odlazak u Monako u 18:00h, te odlazak do čuvenog Monte Carla, koji je najpoznatiji po Casinu i stazi Formule 1. Poznato je da je Monako raj na zemlji za bogataše, u kojem neki od naj imućnijih stanovnika svijeta uživaju u luksuznim buticima, profinjenim kafićima i pogledu na more. Dobro su poznate činjenice da u Monaku kriminal gotovo da i ne postoji, da građani ne plaćaju porez, da je Monte Carlo domaćin trke Formule 1, te da posjetioc i najviše vole vidjeti palaču u kojoj s porodicom živi knez Albert. Monte Carlo, svjetski poznati centar casina, kocke, simbol luksuza svakojakih vrsta i svega onoga što novac može kupiti. To je zaseban dio Monaca, prebogati dio vrlo bogate države. Tu novci teku potocima, kreće se poseban soj ljudi iz nedodirljivih društvenih krugova. Slobodno vrijeme. Povratak prema San Remu u 21:00h. Slobodno vrijeme. Noćenje.

4. DAN, 08.03.2026, (NEDJELJA), CENTRO COMMERCIALE VALECENTAR

Doručak. Check out iz hotela. Polazak prema shopping centru Centro Commerciale Valecentar u 08:00h. Slobodno vrijeme od 2h u shopping centru. Polazak prema Bosni i Hercegovini. Dolazak u Bosnu i Hercegovinu u kasnim noćnim satima. Kraj putovanja.

CIJENA: 359,00 KM/osoba

CIJENA OBUHVATA:

- Prijevoz modernim turističkim autobusom
- 2 noćenja sa doručkom u hotelu 3* u dvokrevetnim/trokrevetnim sobama
- Usluge stručnog pratioca grupe
- Kompletnu organizaciju putovanja

CIJENA NE OBUHVATA:

- Boravišnu taksu 5,00 EUR (plaća se kod vođića)
- PZO 10,00 KM
- Obilazak San Rema 10,00 EUR
- Fakultativni obilazak Cannes, Nica, Eze, Monako i Monte Carlo 50,00 EUR

PAKET FAKULTATIVNIH IZLETA 55,00 EUR (popust 5,00 EUR)

- Doplatu za dodatno sjedište – 200,00 KM
- Doplatu za jednokrevetnu sobu - 100,00 KM

Popust za djecu (CIJENA):

Do 3 godine (u pratnji 2 odrasle osobe) – Besplatno

Od 3 – 6 godina (u pratnji 2 odrasle osobe) – 189,00 KM

Od 6-12 godina (u pratnji 2 odrasle osobe) – 279,00 KM

REZERVACIJA PUTOVANJA:

Prilikom rezervacije putovanja potrebno je dostaviti ime i prezime, datum rođjenja, kontakt telefon i grad polaska za sve osobe koje putuju, te uplatiti avans u iznosu 30% aranžmana ili cjelokupan iznos aranžmana.

VAŽNE NAPOMENE:

- * Za realizaciju fakultativnih izleta potrebno je minimalno 25 prijavljenih putnika.
- * Cijena aranžmana je kalkulirana na bazi 40 putnika. Ukoliko za putovanje bude manje prijavljenih putnika, putovanje se može realizovati uz prethodni dogovor sa putnicima o korekciji cijene. U slučaju otkazivanja putovanja, agencija je dužna obavijestiti sve putnike o otkazivanju najkasnije do 5 dana prije planiranog polaska.
- * Mole se putnici da vode računa o svojim putnim ispravama, novcu i stvarima u toku trajanja aranžmana. Svaki putnik je dužan samostalno provjeriti valjanost svog putnog dokumenata i provjeriti zakonske regulative oko ulaska u zemlju u koju se putuje.

Za ovo putovanje važe Centrotours Opći uslovi putovanja.

SARAJEVO: Centrotours d.d. Sarajevo, Putnička agencija Centrotours, Kurta Schorka 14, 71000 Sarajevo

SARAJEVO Stari Grad: Ferhadija 16, telefon: 033 407 407, fax: 211 282; **Viber/WhatsApp:** +387 61 376 644

SARAJEVO Novi Grad: Bulevar Meše Selimovića 97 (zgrada Općine Novi Grad), telefon: 033 407 660; **Viber/WhatsApp:** +387 62 828 109

TUZLA: Džafer mahala 34, telefon: 035 283 666, 035 283 667; **Viber/WhatsApp:** +387 61 029 169

ZENICA: Maršala Tita 63, telefon: 032 409 409

www.centrotours.ba ID broj 4200153220232 Licenca broj: 07-05-22-13612

